



Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 2. S. Cuthberto, ac focijs alendis Deus, per aquilam, piscem mittit.

[urn:nbn:de:hbz:466:1-49823](#)

tes illud usurpat: Mendicitatem, & diuitias, ne dederis mihi: tribue tantum victui meo necessaria; ne forte satiatus illiciar ad negandum, & dicam: Quis est Dominus? aut egestate compulsus furer, periurem nomen Dei mei. Porro victui non multa sunt necessaria. Pauca sufficientia paucis contento. Itaque, quos non deserit diuinum Numen, modico alit, si videt non appetere multa, etiam tunc, cum miraculosè alit.

Prou. 30:
8.

§. II.

S. Cuthberto ac socijs alendis Deus, per aquilam, piscem mittit.

Venerabilis Beda, qui Martyrum Ecclesiæ Angelicæ pro Christo cæforum historiam texuit, S. Cuthberti Episcopi Lanparniensis facta & verba hæc refert: *Disce, filiole, Dei fidem semper & spem habere in Domino, quia nunquam fame perit, qui Deo fideliter seruit. Et sursum aspectans, vidensq; aquilam in altum volantem: Cernis, inquit, aquilam illam porro volitantem? Etiam per huius ministerium, possibile est Domino Deo nostro, nos hodie reficer. Talia confabulantes, agebant iter, juxta fluum suendam. Et ecce subito vident aquilam in ripa residentem, dixitq; vir Dei: Viden' ubi nostra, quoniam prædixi, ministra residet? Cur-*

Beda in
vita S.
Cuth-
berti.

re.

re, rogo, & quid epularum nobis attulerit, inspice, & citius affer. Qui accurrens attulit pisces non modicum, quem nuper illa de fluvio prehenderat. At vir Dei, quid, inquit, fecisti, fili? quare ministræ suam partem non dedisti? seca citius medium. & illi partem, quam nobis ministrando meretur, remitte. Fecit, uti jusserrat, sumptusq[ue] secum parte reliqua, ubi tempus reficiendi aderat, diuerterunt ad proximum vicum, & dato ad assandum pisce, se pariter, & eos, ad quos intrabant, gratissimo refecerunt conuiuio, prædicante Cuthberto verbum Dei, atque eius beneficia collaudante. Collaudabimus & nos, si inde discamus, & Deo fidere, & paucis contenti esse. Per rapacissimas aues potest nobis dare, dator munera. Sed duobus pisces vnum dedit. Non sufficit? etiam ad abundantiam pluribus sufficit. Et aquilæ dimidium remiserunt, in confusionem illorum, qui nunquam dicunt: *sufficit.* Sed exemplum antiquius audiamus & discutiamus.

§. III.

Frugalissimum S. Pauli & Antonij Eremitarum conuiuium.

Paulus Eremita ab hominum consortio op[er]eque longissime remotus, Deo cordi fuit, qui eum, sicut olim Eliam, per volucres pavuit.